



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vom Ablass vnd Jubeljar Orthodoxischer vnd
Summarischer Bericht: In welchem nicht allein auß H.
Göttlicher der H. Vätter vnd Kirchenlehrer Schrifften/
auch allgemeinen Concilien vnd andern vil mehr ...**

Förner, Friedrich

Getruckt zu Jngolstatt

VD16 F 1898

Das 2. Capitel. Von den Ketzern/ so vor vn[d] nach Luthers Zeitten/ den
Ablass angefochten vnnnd verworffen.

urn:nbn:de:hbz:466:1-36277

den / das der Ehrgeiz vnnnd Hoffartsteufel ein heiliger Geist sey.

Dies ist in disen jeschwebenden hundert Jahren der leydige anfang / so gottslästerlicher Verwerffung des heilsamē Brauchs des Ablass gewesen / welchen vns das newe Euangelium Lutheri / gleichsam als Erstlingen vnnnd Primitien der zukünfftigen Früchten / die wir / Gott erbarm es / noch täglich mit grossen Jammer vnd Elend vor Augen sehen / geboren hat.



Das 2. Capitel.

Von den Kezern / so vor vñ nach Luthers Zeiten / den Ablass angefochten vnnnd verworffen.



Und gleich wie Luther alle seine Paradoxa vnd falsche Lehren / auß lang verbannten / von den H. Vätern / vnnnd allgemeynen Concilien verworffenen Kezerischen Artickeln / gleich einem Bettlerrock zusamen geflickt: Also hat er disen Hauptpunct / als nemlich Verachtung des Ablass / auch von alten falschen Propheten / so allbereit schon zugrund vnnnd zum alten Hauffen hinunder gangen / entlehnet.

Der erst Ablass
lassend / d
Erzkezer
Waldo.

Dann erstlich hat der leydige Sathan / den Ablass zubekriegen / einen groben vngelchrten Idioten mit Namen Waldo, Burgern zu Lyon / der ein Stifter vñ Anfänger der hochschädlichen Kezerey der Armen von Lyon / sonst Waldenser genant / gewesen / vnd vnderm Schein der Apostolischen Lehr / allerley Geylheit / Vnzucht / vnnnd Vermischung des Fleisches /

fast

fast wie die Widertäufer pflegen/in das Volk gesäet/ zur Zeit
 Keyser Fridrichen diß Namens des Ersten/vnd Papst Alexan-
 dri des Dritten/beyleüffig vmb das 1160. Jar nach Christi Ge-
 burt/auffgereist vnd erweckt. Diser Waldo, wie^a Prateolus
 auß Böhemischer Histori^b Aneas Syluij bezeuget/ hatte all sein
 Haab vnnnd Gut/ an welchem er wol vermöglich / vnder dem
 Deckmantel der Euangelischen Armut verlassen / vnd den Ar-
 men außgespendet/mit welchem Schein der Christlichen Voll-
 kommenheit/er seiner falschen auff ein Sand gegründten Lehr/
 ein solche Nebelkappen angezogen/das ihr höllisch Schlangenz-
 gifft/vom einfältigen Pöfel nicht leichtlich erkant vnd begriffen
 werden kund. Vnder andern irigen Gottslästerlichen Arti-
 ckeln aber/deren Anzahl sich bald vber 40. erstrecken thäte / wie
 im angeregten Ort Aneas Syluius, vnnnd auß ihm Prateolus
 weiter melden/hat er am 16. des Papsts Gewalt / Ablass für die
 zeitliche Straff der Sünden zugeben / ganz halbstarrig vernei-
 net/vnnnd so dergleichen Indulgens hieueorn von Päpsten er-
 theilt worden/als ganz vnündig vnd krafftlos verspottet vnd
 verworffen. Diser der Waldenser Irthumb / sampt allen ih-
 ren erlognen Keyserpuncten / ist im Concilio wider sie zu Rom
 versamblet/im 1170. Jar/mit einhelliger Einstimmung der an-
 wesenden Vätter/anathematisiert vnd verdampt worden.

Es verdros aber den Teufel hefftig/das der Waldenser Kes-
 heren vom Ablass/der seinem Reich so mercklichen Schaden zu-
 fügte/ganz vndertruckt vnd gedämpfft ward/trachtet ihm der o-
 wegen vmb einen andern Ablassstürmer / der ihn ganz vnd gar
 auß der Menschen Gedächtnuß außkrazen vnd vertilgen sollte.
 Vnd nach langer/vergeblich ohne Frucht angewändter Müß/
 bekam er endlichen vmb das Jar des H. Ern 1352. zur Zeit Cle-
 mentis des sechsten/vnd Keyser Caroli des vierdten diser Na-
 men/wie jeso andachter^a Prateolus, auß^b Iohann Niedero be-
 zeuget/einen Engelländer/mit Namen Iohann Wickleff / der
 neben

^a Lib. 14. de vi-
 ta & sectis hæ-
 ret. tit. Paupe-
 res de Lugdū.
^b De orig. Bo-
 hem. cap. 35.

Johann Wickleff
 der Ablass-
 feind.

^a Lib. 9. tit.
 Wickleff.
^b lib. 3. Formic

neben andern seinen verführischen Ketzerschen Articulu am 42. den Ablass ganz vnd gar vernichtet/vñ als ein nährischen Menschenentand/vnd altweiberischen Aberglauben spötellich angemeyßlet vnd verlachet.

Dritte Kott Vnd damit diser Krebs desto weiter vmb sich frässe / hat er
der Ablass- seinen gestiffen falschen Bohn vom Ablass Hieronymo von
seind Hiero- Prag/ dazumaln in Engelland studierend/ auch eingossen/ von
nymus von welchen in Johann Huf geerbt/vnd folgendts mit mercklichem
Prag/ vñnd Schaden viler tausend Seelen/vmb das 1377. Jar des H. Ern/
Johann Huf vnder dem Papst Gregorio dem eilfften / vnd Römischen Key-
samt ihren ser Wenceslao/ sampt andern seinen falsch auffgedichten / vñnd
Anhängern. auß eignem Hirn erspintisierten articulis, inn Böhemen bears-
 beitet hat. Welchem gemachsamlich einbrechenden Irthumb
 zubegegnen / das allgemeyn Concilium zu Costniz versamlet
 worden/da ihn auch die Vätter desselben Concilij, weil er seine
 außgegenserte Ketzereyen nicht widerumb hineinschlucken/ vnd
 die gefäete Irthumben widerrufen wolte/ als ein Kexer / laut/
 so wol Keyserlicher als Geistlicher Rechten/im Rauch gen. Höll
 geschickt haben.

Die vierdte Dise vnd fast alle andere der Armen von Lyon/Wickleffs
Kott der Ab- vnd Hussen/ schon längst verbante Lehrstuck/ hat Luther vnder
lassfürmer/ der Kexern Müßflöchern herfür gezogen / für das pur lauter
Luther vnd Euangelium außgeschryen / dem armen verblendten Teutsch-
seine Disci- land eingeeplwet / vnd gleichsam Meißkot für Catecutischen
peln. Pfeffer verkaufft. Nicht wenigern haben sich des Luthers auß-
a In Apol. Cō- gebrütete Jungen vnd Discipeln ^a Melanchthon, ^b Heshustis
fel. Aug. tit. de vnd ^c Chemnitzius höchster Mühe in Aufmusterung des Ab-
Pznit. & tit. de lass bearbeitet: Fürnemlich aber die hochschädliche Seelverluz-
Conf. & satis- stige Giffespinn ^d Iohann Calvinus, so hierinnen ihr subtile
fact. circa fin. tödelichs Giffe/ wider den Ablass nit wenig sehen läßt/ dessen vñ
Idem. Respon- anderer Warheitsfeind fürnemste/ wider den Ablass eingewan-
ad artic. Baua- te Gegenwürff / nachmals fast zu End diß Tractätleins / so vil
ricz Inquisit. einfalt
ad articul. 19.
^e lib. de Sexce.
 mendacijs Pö-
 cifiorū tit. 32.

Das 3. Capitel.

9

einfältigen Layen / zu Befestigung der Warheit vonnöten seyn
wirdt / in gemein auffgelöset / vnd vnkräftig gemachte werden sol-
len / die gelehrten vnd bahuerständige Leser / zu des hochberühm-
ten Cardinals Bellarmini außführlichen / vnnnd ganz scharpff-
sinnigen / wolgegründten Buch / welches er von den Indulgen-
tien / jeso lauffenden Jars in Truct verfertigt / anweisend vnnnd
remittierend.

In 4. parte
Exam. Concilii
Trid.
d. cap. 9. Instit.
per totum.

Hierauff laß ich einen jeden vnparteyischen Christen zu
Herzen vnd Gemüt ziehen / was anfänglich / vor etlich hundert
Jarn die Ablassfeind für Leut gewesen / deren vor längst erst
tödtet / vnd von der allgemeinen Catholischen Kirchen vilmals
außgerauschten Irthumben / Luther sampt seinem Anhang vñ
Gezücht / sich vnuerschambter / auffrührischer / ehrgeiziger Wi-
derspennigkeit angemast.



Das 3. Capitel.

Wie alt der Ablass / vnd durch wen er an-
fänglich gebraucht worden.

S beschuldigen vns so wol Luthe-
raner / als Calvinisten / Zwinglianer vnnnd
andere Secten mit einander einträchtig / dies
weil es der Catholischen Kirch vber die Haue
gehet (da sie doch vnder sich / wie Hund vnd
Kazen eins seynd / vnnnd einander selbst
stettigs im Haar ligen vnd palgen / welches zwar ein starck Ar-
gument ist / daß ihre Lehren allesampt / wie sie auch Namen ha-
ben / nicht von Gott / sondern vom Schwindelgeist der Vneiz-
nigkeit herfließen / wie einer / der seine Vernunfft allhie recht
brauchen

D ij